

PWYLLGOR CRAFFU TESTUN 1 - DYDD IAU, 1 RHAGFYR 2022

COFNODION CYFARFOD Y PWYLLGOR CRAFFU TESTUN 1 A GYNHALIWDYD YN SIAMBR  
Y CYNGOR, SWYDDFEYDD DINESIG, STRYD YR ANGEL, PENYBONT AR OGWR CF31  
4WB DYDD IAU, 1 RHAGFYR 2022, AM 11:00

Presennol

Y Cynghorydd A Williams – Cadeirydd

RJ Collins  
T Thomas

M J Evans  
AJ Williams

H Griffiths  
E D Winstanley

D T Harrison

Ymddiheuriadau am Absenoldeb

M Jones a/ac J Llewellyn-Hopkins

Swyddogion:

Lucy Beard	Swyddog Craffu
Robin Davies	Rheolwr Grŵp Strategaeth Fusnes a Pherfformiad
Lindsay Harvey	Cyfarwyddwr Corfforaethol – Addysg a Chymorth i Deuluoedd
Alix Howells	Rheolwr Ymgysylltu a Chydraddoldeb Ymgynghori
Rachel Keepins	Rheolwr Gwasanaethau Democraidaidd
Jessica Mclellan	Swyddog Craffu
Michael Pitman	Swyddog Gwasanaethau Democraidaidd – Pwyllgorau
Gaynor Thomas	Rheolwr Rhaglen Ysgolion

1. DATGANIADAU O FUDDIANNAU

Dim.

2. CYNLLUN STRATEGOL Y GYMRAEG MEWN ADDYSG (CSGA)

Cafwyd sylwadau agoriadol gan yr Aelod Cabinet dros Addysg a'r Cyfarwyddwr Corfforaethol – Addysg a Chymorth i Deuluoedd.

Cyflwynodd y Rheolwr Grŵp - Cymorth i Ddysgwyr yr adroddiad yn gryno, a'i ddiben oedd diweddarau'r Pwyllgor ar weithrediad a chynnydd Cynllun Strategol y Gymraeg mewn Addysg, cynllun 10 mlynedd a oedd i ddod i ben yn 2032.

Diolchodd y Cadeirydd i'r Aelod Cabinet a'r Swyddogion a thrafododd yr Aelodau'r canlynol:

- A allai Cynghorwyr arsylwi'r Fforwm Addysg Gymraeg (WEF).
- Roedd y Grŵp Gwella Ysgolion, a ganolbwyntiodd ar wella safonau ym mhob ysgol ym Mhen-y-bont ar Ogwr yn unol â Chynllun Strategol y Gymraeg mewn Addysg a fynychwyd gan Gadeirydd SOSC 1 gan ddarparu cyswllt o'r Pwyllgor.
- Argaeledd ac ansawdd yr adnoddau ar gyfer addysg Gymraeg, y cyllid i ddod o hyd i'r gwerslyfrau gofynnol ac, o ystyried y pwysau ar gyllidebau, y buddsoddiad sylweddol yn y wybodaeth ddigidol sydd ar gael trwy argaeledd llyfrau crôm "un i un" yn yr ysgolion cyfrwng Gymraeg a rhagor o adnoddau sydd ar gael o fewn y plattform ar-lein trwy Hwb.
- Canlyniad yr ymgynghoriad, a ddosbarthwyd yn eang, adborth gan aelodau o'r WEF a diwygiadau a wnaed, y mesurau a gymerwyd i sicrhau bod gofynion Estyn yn cael

## PWYLLGOR CRAFFU TESTUN 1 - DYDD IAU, 1 RHAGFYR 2022

eu bodloni gan gynnwys: ailedrych ar aelodaeth WEF, sefydlu is-grwpiau i sicrhau cyrhaeddiad ehangach, y camau a gymerwyd, ac roedd gwybodaeth am y gwaith a gwblhawyd wedi'i rhannu ag is-grwpiau.

- Nodau ac amserlen cyflawni'r cynllun gweithredu i'w cyflwyno i Lywodraeth Cymru (LIC) ar 16 Rhagfyr 2022 a oedd yn gynllun 5 mlynedd cynhwysfawr a luniwyd gan yr holl randdeiliaid a phartneriaid cyflawni ac a fyddai'n cael ei rannu cyn gynted ag y byddai cymeradwyaeth yn cael ei rhoi.
- Y dulliau ariannol a archwilir, cyllid ychwanegol a gaiff awdurdodau lleol gan Lywodraeth Cymru yn dilyn ymrwymiad i weithredu CSGA gan gynnwys cyllid ar gyfer y 4 hwb, moderneiddio ysgolion a buddsoddiadau pellach trwy drafodaethau â LIC.
- Dalgylchoedd ar gyfer Ysgolion Cyfrwng Cymraeg, deddfwriaeth gyfredol ddim yn caniatáu ar gyfer dalgylch traws-sirol, ac ystyried egin ysgol cyfrwng Cymraeg.
- Rhieni yn terfynu addysg cyfrwng Cymraeg eu plant o'r meithrin i'r cynradd a chreu egin ysgol cyfrwng Cymraeg.
- Amrywioldeb mewn cyfraddau pontio, lleoliad ysgolion yn ffactor, agor hybiau gofal plant ym Mro Ogwr a'r egin ysgol i hwyluso'r pontio, a datblygiad newydd yn y Betws a Melin Ifan Ddu yn cael ei greu i gynorthwyo.
- Llai o blant yn ymuno ag ysgol uwchradd cyfrwng Cymraeg oherwydd nad yw eu teuluoedd yn siaradwyr Cymraeg a rhieni yn anfon plant i ysgolion cynradd cyfrwng Cymraeg oherwydd agosrwydd, a chapasiti yn yr ysgolion cyfrwng Saesneg.
- Canmoliaeth i ansawdd addysg cyfrwng Cymraeg, ansawdd y cyfleusterau, costau adnewyddu a chynnal a chadw ysgolion y fwrdeistref, moderneiddio Ysgolion yr 21ain Ganrif a chynlluniau i symud Llangynwyd i gyfleuster mwy modern.
- Digonolrwydd mewn perthynas â'r twf disgwylidig o ran ail-leoli Ysgol Bro Ogwr a chynyddu niferoedd disgyblion, Nifer Derbyniadau Disgyblion yn y CSGA 10 mlynedd, rhagor o gynlluniau gynyddu'r ddarpariaeth yn nwyrain y Fwrdeistref ac ehangiad sylweddol ym Mro Ogwr.
- Ffurfiwyd y ffurflen asesu'r effaith ar y Gymraeg a ddatblygwyd gan yr awdurdod lleol yn rhan o'r ymgynghoriad er mwyn gofyn cwestiynau ynghylch yr effaith andwyol ar y Gymraeg a gofynnir am gyfraniadau a chynigion gan randdeiliaid ynghylch a fydd effaith ar y Gymraeg neu'r Saesneg.
- Ehangu'r ddarpariaeth cyfrwng Cymraeg yn y Fwrdeistref, gan gynnwys dyblu capasiti Ysgol Y Ferch O'r Sger yng Nghorneli ac ysgol cyfrwng Cymraeg ym Mhorthcawl ar ffurf yr egin ysgol.
- Positifrwydd ynglŷn â chefnogaeth y Gyfadran a chanmoliaeth a chydabyddiaeth i bennaethiaid yr ysgolion cyfrwng Cymraeg am y gwasanaethau a ddarperir a'r gwaith a wneir gan ysgolion.
- Yr ymrwymiad i ddiwallu anghenion dysgu ychwanegol plant cyfrwng Cymraeg, y ganolfan anhawster dysgu cymedrol sydd wedi'i hagar a'i chydabod ar y cyd â datblygiad Ysgol Bro Ogwr, yr angen am ddsbarth arsylwi trwy gyfrwng y Gymraeg,

## PWYLLGOR CRAFFU TESTUN 1 - DYDD IAU, 1 RHAGFYR 2022

a'r ffocws i hyrwyddo, marchnata a dathlu, gan gydnabod gwaith staff a phenaethiaid.

- Pwysigrwydd cynnal twf ym Mhen-y-bont ar Ogwr, y bwriad i gynnig cymwysterau ôl-16 ar y cyd â Llanhari, i gynnig y lefel orau o gymwysterau i ddysgwyr i ddod â'r cymwysterau hynny yn ôl fel Athrawon.
- Heriau a chamau gweithredu sydd eu hangen ar gyfer recriwtio a chadw staff a'u cymell i hyfforddi ac aros yn y proffesiwn.
- Yr angen i weithio gydag Estyn i ddeall yr heriau a wynebwr gan y sector cyfrwng Cymraeg ac arbenigedd pwnc, yr angen i Gymwysterau Cymru sicrhau bod y cymwysterau ar gael yn gyfartal yn y Gymraeg a'r Saesneg a bod yr adnoddau wedi'u halinio.
- Pwysigrwydd gweithio gyda darparwyr eraill, e.e. Coleg Penybont ac ymwneud Consortiwm Canolbarth y De ag ysgolion cyfrwng Saesneg i hwyluso camau i sicrhau bod cymwysterau yn y Gymraeg ar gael.
- Camau a gymerir i hyrwyddo'r Gymraeg gyda'r cymunedau busnes gan gynnwys, mewn trafodaeth, â Choleg Penybont ynghylch sut y gallent ymgysylltu â chyflogwyr, cynyddu'r mewnbwn o ddysgwyr a oedd yn gyfforddus i weithio yn Gymraeg, gan gydnabod a dathlu'r hyn y gall y rhai sy'n gymwys yn yr iaith ei gynnig i fusnesau lleol, a chydweithio â Swyddogion amrywiol i hysbysebu swyddi yn eu cylchgrawn.
- Cyfleoedd sydd ar gael i athrawon cyfrwng Saesneg ddysgu a throsi i addysgu trwy gyfrwng y Gymraeg, gyda Consortiwm Canolbarth y De yn cynnig cymorth a ddangosir yng nghanlyniadau Is-grŵp 6 a 7.
- Roedd llawer o ysgolion wedi manteisio ar y cynnig i gymryd cyfnod sabothol i ddysgu Cymraeg a symud o'r cyfrwng Saesneg i'r cyfrwng Cymraeg a grant LIC yn cael ei ddefnyddio i gynyddu capasiti a denu athrawon o'r Saesneg i'r Gymraeg.
- Roedd y daflen a oedd yn cael ei darparu i rieni i godi ymwybyddiaeth ac annog addysg cyfrwng Cymraeg o oedran cyn-geni, yn nodi llwybrau mewn addysg cyfrwng Cymraeg i helpu rhieni a gofalwyr i wneud dewisiadau cadarnhaol a gwybodus. Dywedodd y Cadeirydd nad oedd unrhyw gwestiynau pellach i'r Gwahoddedigion, diolchodd i'r Gwahoddedigion am fod yn bresennol a dywedodd y gallent adael y cyfarfod.

### PENDERFYNWYD:

Yn dilyn ystyriaeth fanwl a thrafodaethau â Swyddogion ac Aelodau Cabinet, gwnaeth y Pwyllgor yr Argymhelliad canlynol:

1. Bod yr Aelod Cabinet dros Addysg yn codi gyda Gweinidog Addysg Llywodraeth Cymru a ddylai fod newid yn y ddeddfwriaeth i ganiatáu i ysgolion nad ydynt ym Mwrdeistref Sirol Pen-y-bont ar Ogwr gael eu cynnwys yn nalgylchoedd Pen-y-bont ar Ogwr er mwyn sicrhau bod rhieni ar gael yn agos at eu cartrefi i drosglwyddo eu plant o addysg gynradd i addysg uwchradd.

a gofynnodd y Pwyllgor am:

## PWYLLGOR CRAFFU TESTUN 1 - DYDD IAU, 1 RHAGFYR 2022

2. Ymateb ysgrifenedig gan yr Aelod Cabinet dros Addysg yn nodi sut y gall Aelodau fwydo i Fforwm y Gymraeg mewn Addysg i gynnwys manylion am fynychu cyfarfodydd a rhoi mewnbwn.
3. Ymateb ysgrifenedig ynglŷn â'r is-grwpiau ar gyfer y Cynllun Strategol Cymraeg mewn Addysg (CSGA) pum mlynedd gan gynnwys cynllun gweithredu ac amserlen gyflawni i alluogi'r Pwyllgor i fonitro yn y dyfodol.
4. Y Cynllun Llywodraethu a Gweithredu; gweledded prosiectau wedi'u mapio i ddangos llwybrau llywodraethu a sut y bydd prosiectau amrywiol yn cael eu monitro.
5. Diweddariad, pan fo'n briodol, ar ddarpariaeth addysg cyfrwng Cymraeg yn ne-ddwyrain y Sir gyda mewnbwn gan y Cyfarwyddwr Corfforaethol dros Addysg a Chymorth i Deuluoedd ac adborth ysgrifenedig gan yr Aelod Cabinet Addysg yn dilyn ei gyfarfod â Gweinidog Addysg Llywodraeth Cymru .
6. Rhagor o wybodaeth am oblygiadau ariannol gweithredu'r Cynllun Strategol Cymraeg mewn Addysg i gynnwys manylion am yr hyn sydd wedi'i wneud hyd yma i ddod o hyd i gyllid ychwanegol ac o ble a sut y byddai cyllid yn cael ei sicrhau yn y dyfodol i gynnal swydd Cydlynedd y CSGA.
7. Data ar faint o ddysgwyr sy'n teithio i'r Fwrdeistref Sirol o'r tu allan i'r dalgylchoedd i fynychu'r Ysgolion Cyfrwng Cymraeg a rhagor o wybodaeth am y cymorth sydd ar gael i rieni a hoffai i'w plentyn/plant dderbyn addysg cyfrwng Cymraeg neu a hoffai iddynt gael y cyfle i ddatblygu'r Gymraeg mewn Ysgolion Cyfrwng Saesneg.
8. Diweddariad ar yr amserlen ar gyfer adnewyddu Ysgol Gyfun Gymraeg Llangynwyd a'i lle mewn blaenoriaeth o'u gymharu â'r holl ysgolion sy'n cael eu hystyried ar gyfer y gwaith cynnal a chadw sydd ei angen.

### 3. DIWEDDARIAD RHAGLEN GWAITH

Cyflwynodd y Swyddog Craffu'r Flaenraglen Waith (FWP) yn Atodiad A i'r Pwyllgor i'w thrafod a'i hystyried, gofynnodd am unrhyw wybodaeth benodol a nodwyd gan y Pwyllgor i'w chynnwys yn yr eitemau ar gyfer y ddau gyfarfod nesaf, gan gynnwys y rhai y dymument iddynt fod yn bresennol, gofynnodd am i'r Pwyllgor nodi unrhyw eitemau pellach i'w hystyried ar y Flaenraglen Waith o ystyried y meini prawf dethol ym mharagraff 4.3, gofynnodd i'r Pwyllgor nodi'r Daflen Weithredu Monitro Argymhellion i olrhain ymatebion i argymhellion y Pwyllgor a wnaed yn y cyfarfod blaenorol yn Atodiad B a gofynnodd i'r Pwyllgor nodi y byddai'adroddiad ar y FWP a'r Daflen Weithredu Monitro Argymhellion ar gyfer y Pwyllgoryng nghyfarfod nesaf y Pwyllgor Trosolwg a Chraffu Corfforaethol.

Trafododd yr Aelodau'r pwysau cyson ar y gyllideb yn sgil cynnig hael yr Awdurdod o gludiant o'r cartref i'r ysgol a chytunwyd y byddai'n debygol o gael ei ystyried yn fanylach yn ystod trafodaethau'r Strategaeth Ariannol Tymor Canolig a thrafodaethau cyllideb.

Gofynnodd y Pwyllgor am i'r eitem ganlynol gael ei hystyried i'w hychwanegu at Flaenraglen Flynyddol 2023-24 yng Nghyfarfod Cynllunio Craffu nesaf SOSC 1:

## PWYLLGOR CRAFFU TESTUN 1 - DYDD IAU, 1 RHAGFYR 2022

- Y Cynllun Gweithredu sy'n ymwneud â Chynllun Strategol y Gymraeg mewn Addysg 5 mlynedd i gynnwys monitro perfformiad a rheoli risgiau Gofynnodd yr aelodau am wahodd ysgolion sydd wedi dechrau gweithredu Cynllun Strategol y Gymraeg mewn Addysg i drafod eu profiadau.

Gofynnodd yr aelodau i ysgolion cyfrwng Cymraeg a Saesneg gael eu cynnwys yng nghwmpas yr Adroddiad Gwybodaeth Dalgylchoedd i'w ddarparu.

Ni nodwyd unrhyw eitemau eraill i'w hystyried ar y Flaenraglen Waith a oedd yn berthnasol i'r meini prawf dethol ym mharagraff 4.3, a gellid ailystyried hyn yn y cyfarfod nesaf.

Nid oedd unrhyw geisiadau i gynnwys gwybodaeth benodol yn yr eitem ar gyfer y cyfarfod nesaf.

PENDERFYNWYD: Bod y Pwyllgor yn cymeradwyo'r Flaenraglen Waith yn Atodiad A, yn amodol ar gynnwys y ceisiadau uchod, yn nodi'r Daflen Weithredu Monitro Argymhellion yn Atodiad B ac yn nodi y byddai'r FWP, y Daflen Weithredu Monitro Argymhellion ac unrhyw ddiweddariadau gan y Pwyllgor yn cael eu hadrodd wrth gyfarfod nesaf COSC.

#### 4. EITEMAU BRYD

Dim.

Daeth y cyfarfod i ben am Time Not Specified